

JUSTA FUNEBRIA
V I R O
NOBILISSIMO, AMPLISSIMO
atq; CONSULTISSIMO
DN. ANTONIO
B A S S A X L E W
Inclytæ Reipubl. THORUNENSIS
CONSULI Gravissimo,

d. XII. Septembr. A.O.R. M. DC. XXCIV.

placidâ morte extincto,
ipsis Exeqviarum solennibus,
die scilicet XVII. Ejusdem Mensis,
persolvebant sequentes.



Russiacas dum trux sævit Libitina per urbes,
 Nec jam, quod sœvit, serpere gestit humi:
 Sed suprema quatit, sævo conamine sternens
 Fulgentes meritis & probitate viros;
 Tu quoq; vesanæ mortis crudelibus ausis
 Concidis, ô nostræ nobilis urbis honos!
 Si te decrepiti pressissent jugiter anni,
 Non nimio luctu res ea digna foret:
 Sed tibi adhuc constans & vivida constitit ætas,
 Nec, quæ te premeret, pigra senectâ fuit.
 In medio annorum voluit tibi stamina vitæ
 Rumpere, quæ nulli Parca pepercit avo,
 Non te defendit pietas, prudentia, candor,
 Quæis ipsum cælum sæpe subesse solet.
 Non virtus mortem flexit, non terruit ipsam
 Purpura; nec tanti summus honoris apex.
 Non dulces Musæ poterant servare clientem,
 Quem sic auxilio destituere suo.
 O miseros homines! o fata immania! cum sic
 E summo pulchrè quod stetit ante, ruit
 Sicne jaces, ô BAUMGARTI? lugendus in ævum,
 Ni sacra nos nimium pagina flere vetet.
 Nunc etenim felix, quidquid mortale, beatus
 Calcas, & fragilem sub pede plaudis humum.
 Nulla fatiscens ætas te trudet in annos,
 Nullus ibi dabitur squalidus ore dolor.
 Alterius generis te exspectat purpura, fasces
 Atq; alios tibi jam regna superna dabunt.
 Perpetuos ibi ages de prostrato hoste triumphos,
 Nec quicquam, quod te jam male lædat, erit.

l. m. f.
 M. CHRISTOPHORUS Hartknoch/
 Gymn. Prof. Publ.

Rudeles Divæ, Lachesis, Clotho, Atropos, cheu,
 Quis finis vestri & quando furoris erit?
 Quando hominum lacrymis vestra exsatiabitur ira?
 Desinet aut vitæ quando secare dies?
 Munera læta solent Divi mortalibus ægris
 Promere; Vos luctum tristitiamq; datis.
 Immanes vetulæ, non dignæ voce Dearum,
 Quis bonus in mundo numina vestra colat?
 Hac æstate Viros tot claros atq; celebres
 Sustulit in Prussis horrida vestra colus.

Consu-

Consulibus quatuor viduata Elbinga (vagatur
 Ut rumor) justis fletibus ora rigat.
 Hic quoque servitiam tentare audetis atrocem,
 Et Patribus nostrum despoliare Forum.
 Andream nuper Baumgartum, nobile sidus
 Urbis, mersistis sarcophago celeri.
 Nunc vero Antonjum Baumgart, pietate coruscum
 Patrem, doctrinâ judicioque gravem.
 Quin et Magnifici voluistis lādere vitam
 Praesidis, aucturae funera funeribus.
 Ast Pater Omnipotens, rerum cui summa potestas,
 Elusit vestros impediitque dolos.
 Et magnum virtute Virum, Patriaeque Columnam
 Servavit. Pro quo gloria summa Deo!
 Vivat Praeconsul, vobis ringentibus, iste!
 Vivat! sit felix incolumisque diu!
 Contentae sitis tot luctibus atque querelis,
 Parcite post reliquis Patribus, atra cohors.
 Quid loquor? Haud Parcarum est exorabile numen.
 Nec iuvat incassum fundere verba viros.
 Alme Pater rerum, vitae mortisque benigne
 Director, cuius turba redempta sumus,
 Sit satis irarum, Viduam solare jacentem,
 Et repara rursus publica damna Fori.
 Natos et Natas serva, curamque paternam
 Cunctorum sueta pro bonitate gere.
 Tu vero Consul, fueras quae gloria nostrae
 Urbis, in aetheriis gaudia sume plagis.
 Linquē apposuit dolens
 WENCESLAUS JOHANNIDES,
 Gymn. Thor. Prof. Publ.

Er wol gelebet hat / der kan nicht böse sterben/
 Nichts mehrers hat ein Mensch von allem in der Welt/
 Auch keinen bessern Schatz verläßt Er seinen Erben/
 Als wenn Er nach dem Tod' ein gutes Lob behält.
 Wir hören Kirch / und Schull' insonderheit beklagen/
 Des wehrten Baumgarts Tod / sie loben seine Treu' /
 Und können Ihme recht mit großem Ruhm nachsagen/
 Wie sorglich Er umb Sie alzeit gewesen sey.
 Das Raths Haus seuffzt Ihm nach / die Bürgerschaft daneben/
 Der / wegen Gottesfurcht / Fleiß / Demuth / Redlichkeit /
 Des Nestors graue Jahr' und Zeiten solt' erleben/
 Den nimbt der Höchste weg in seiner besten Zeit.
 Drum klagen dies voraus die hochbetrübten Seinen /
 Allein / Ihr Liebste wißt / was Gott der Höchste schafft/
 (Kommt Euch gleich sauer vor) dawieder hilft kein Weinen/
 Der linder' euer Leyd / durch seines Geistes Krafft/

Herr

Herr BAUMGART lebt dort / und wird auch hier auff Erden/
So lange Jugend gilt / auch leben in der Welt/
Von Jugendliebenden wird Er erhoben werden/
Bis dieses Welt-Gebäud' in eiren Hauffen fälle.

Mitleidende aufgesetzt von

Michael Bapzihn.

Sic abit & BAUMGART nostri pars magna Senatûs
Vir probitate gravis judiciôq; valens.
Vix anni spatîo præclari stemmatis hujus
Parcæ tres nobis eripuerè viros,
Qui prodesse diu poterant Patriæq; suisq;
Funere submersi jam exanimésq; jacent.
Mufis heut nostris sic fervent funera, ut annus
Nullus ab invisa clade rogoq; vacet.
Patribus extinctis, Functorum ut pignora serves,
Et crescant Patriæ, quæso, benigne DEUS!

Condol. appof.

GEORGIUS LEHMANNUS, Gymn. Coll.

Hæc quæ Thorunium rursus mutatio vexat,
Dum rapit egregium mors truculenta Virum.
Aft hoc non mirum; namq; ipsa urbs læta Naini
Jam teneri juvenis funera triftis habet.
Ut vero Christus lacrymas abfterfit obortas
Matri, fic mæftis gaudia multa dabit.

Piè defuncto Consuli paucula hæc
properanter appofuit,

MICHAEL KALINSKI, Præc. Gymn. Class.

Cum Dea sæva furit violenter, & ostia pulsat,
Tunc Domus, ah! subito concidit atq; ruit.
Exemplum præstat nobis BAUMGARTIUS ipfe,
Quem luctus inter Mors varios rapuit.
Hic celebris quondam Consulq; fidusq; Scholarcha
Exiftens, cecidit nominis umbra fui:
Aft viget in terris, & fama manebit in ævum;
Hunc vixiffe Virum Nobilem & eximium.
Singultus igitur tragicos nunc sistite amici,
Astra tenent animam, corpus humo tegitur.


Mæftus appofuit

JOHANNES BURSCHÖT, Gymn. Coll.

Clara Confilium sincerum, & Patria Curam
Magnam BALMGARTI sensit abundè fati:
In cælo requiem, quò cæpit tendere, querit,
Vadat, & in Christo, quod petit, inveniet.

Lugens appofuit.

CHRISTOPHORUS WOYT, Præcep. Class.



Inv. 113017

K. fol. 301. 26